

Powšitkowne WOZJEWJENJA

njedźelu, 29. měrca 2015

Přiležnosć k swjatej spowědži w Róžeńce

<i>póndźelu, 30. měrca</i>	farar C. Hrjehor, farar D. Dzikiewicz,
18.30 - 19.30 hodź.	farar B. Jakubaš, kapłan O. Gonda
<i>wutoru, 31. měrca</i>	farar G. Wornar, farar M. Anders,
18.30 - 19.30 hodź.	farar G. Nawka, farar J. Magiera

Křižowy puć młodžiny we Worklecach

Dekanatna młodžina budže so křižowy puć bołmončku, njedźelu, 29. měrca, we Worklecach modlić. Młodostni zetkaja so w 14 hodź. při pomniku za padnjenych wojakow srjedź wsy. Zakónčenje budže w Don Boskowym domje. Wšitcy młodostni su wutrobnje přeprošeni, křižowy puć sobu kročić a prošu Wosadnik njezabyć. Kóžda wosadna młodžina njech přinjese prošu swoju dekanatnu młodžinsku chorhoj sobu. Přizamknje so swačina w Don-Boskowym Domje.

Póstny wopor młodžiny

Póstny wopor młodžiny zběra so lětsa za rěčne kursy a trěbny wuwučowanski material za čěkancow z krizowych kónčin, kotřiž přebywaja w Budyskim wokrjesu a we wokrjesu Sakska Šwica. Nadrobniše informacije su we wuwěšku we wosadach podate. Wobalki za póstny wopor leža w cyrkwjach.

Emmauske pućowanje

Wšitcy serbscy młodostni su tež lětsa na Emmauske pućowanje přeprošeni – a to jutrowny štwórtk, 9. apryla, do Sulšec. Pućowanje zahaji so we 18 hodź. w kapalce.

Zhromadny dzeń 1. a 2. lětnika

Pod hesłom „Jězus z mortwych stanył je, haleluja!“ zarjaduje dekanatne dušepastyrstwo pjatk, 10. apryla, wot 9.00 do 15.00 hodź. za džěci 1. a 2. lětnika zhromadny dzeń w Don Boskowym domje we Worklecach. Zajimcy njech so prošu hač do wutory, 7. apryla, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

Zamyslenje we wopomnišću

Na „Wulkopjatkowne zamyslenje“ přeprošuje Smochčanski Dom biskopa Bena pjatk, 3. apryla, w 10 hodź. do Budyskeho wopomnišća na Weigangowej. Spominać budže so na horjo woporow diktaturow 20. lěstotka.

Zamyslenje z hudźbu

Na hudźbne zamyslenje w rjedže Smochčanskeho jewišća přeprošuje Dom biskopa Bena wulki pjatk, 3. apryla, w 19.30 hodź. Mjez druhim zaklinči „Stabat mater“ Franza Lachnera. Wječor wuhotuje Budyski ansambl Chordophone zhromadnje ze sopranistkomaj Julianu Mütze a Martinu Kroll-Hurtig.

Chroniku Chróšćanskeje gmejny skazać

Kóždy, kotryž chce sej chroniku Chróšćanskeje gmejny kupić, móže so hač do jutrowneho pjatka, 10. apryla, na gmejskim zarjedže abo w farskim běrowje w Chróšćicach do wupołženeje lisčiny zapisać. Chronika budže něhdže 20 eurow droha.

Dyrdomdej w klósterskej zahrodže

Jutrownu srjedu, 8. apryla, su dorosćeni a džěci do klósterskeje zahrody w Pančicach-Kukowje na dyrdomdejske popołdno přeprošeni. Wot 13 do 17 hodź. móža na přikład zorno mlěć, całty pjec, jutrowne jejka pytać, kreatiwni być abo so po klóštrje wodzić dać.

Seminar k Jězusowemu zrowastanjenju

„Biblija ... a Jězusowe zrowastanjenje“ rěka titul seminara wot pjatka do njedzele, 10. do 12. apryla, w Smochčanskim Domje biskopa Bena. Mjez druhim budu so z referentom Ansgarom Hoffmannom za tym prašeć, što biblija praji a što je historisce znate. Zajimcy měli so pod telefonowym čislom (03 59 35) 2 23 17 přizjewić.

Z papu pokład pytać

Nanojo ze swojimi džěcimi su wot pjatka do njedzele, 8. do 10. meje, do Smochčanskeho Domu biskopa Bena přeprošeni. Zhromadnje chcedža tam za pokładami žiwjenja pytać Zajimcy njech so pod telefonowym čislom (03 59 35) 2 23 17 přizjewja.

Putniska jězba z busom do Mariazella

Mariazell w Awstriskej je hłowny cil našeje putniskeje jězby. Nimo toho chcemy wulkotny benediktinski klóšter Melk nad Dunajom, Narodny park Gesäuse a klóšter Admont wopytać. Předwidžane je tohorunja, zo wobhladamy sej z łódže luboznu krajinu Wachau a zo přebywamy w uniwersitnym městačku Krems. Přenocujemy stajnje w Mariazellu. Jězba wotměje so wot póndzele do soboty, 12. do 17. oktobra. Přizjewić móžeće so pola Šmitec w Radworju, telefonowe čisło (03 59 35) 28 60.

T. Kubašec

Do Fatimy z busom

Pytam dale za zajimcami, kiž bychy rady hnadowne městno Fatimu wopytali, ale z lětađom njeleća. Tutu putnisku jězbu bychmy za klětu planowali. Wona budže dwanaće dnjow trać. Zajimcy njech so prošu pola mje pod telefonowym čislom (03 59 35) 2 04 25 přizjewja.

T. Kubašec

Putniska jězba do Fatimy a do Santiaga de Compostela

Maćij Hadank z Hórkow organizuje putnisku jězbu z lětađom wot pjatka hač do pjatka, 11. do 18. septembra, do Fatimy a Santiaga de Compostela. Nadrobne informacije k tutym putniskim jězbam dóstanu zajimcy pod telefonowymaj čislomaj (01 63) 7 33 82 05 a (03 57 96) 9 54 28 (po 19 hodź.) abo pola njeho w Hórkach, Sydlišćowu puć 2.